

天下郡國利病書

天下郡國利病書

卷一

安丘縣志論曰、余觀條鞭法、非即宋免役雇役者哉、行之有
十利焉、通輕重苦樂于一邑十甲之中、則丁糧均而徭戶不
苦難、一也、法當優免者、不得割他戶以私蔭、二也、錢輸于官
而需索不行、三也、又折閱不賠累、四也、合銀力二差、併公私
諸費、則一人無叢役、五也、去正副二戶、則貧富平、六也、且承
稟有制、而侵漁無所穴、七也、官給銀于募人、而募人不得反
復抑勒、八也、富者得弛擔、而貧者無加額、九也、銀有定例、則
冊籍清而詭寄無所容、十也、所謂此法終不可罷者邪、然四
差合徵、則力難畢完、輸銀在官、勢且輕用、以難完、當輕用、則
折閱必多、一旦有意外水旱災傷之蠲、部派軍興諸卒然之

務將于何取給之。若欲預爲之義以備蠲裁。如宋曾布所言。則浚民者將濡首焉。是先病之也。于卻慮豈有當哉。余以爲莫若撙田。蓋田寬則賦縮。賦分則徭輕。相爲低昂者也。昔洪武時。嘗遣國子生武淳等覈實天下田土。作魚鱗圖冊。各有定額。安丘畝田得一萬二千二百二十三頃九十五畝有畸。已復令山東等處額外荒田盡力開墾。不起科。以此知安丘之田未墾者尚多也。二百年來民昌物阜。其間墾者必衆。而賦不加縮。何也。嘗即李翱平賦書推之。法半步曰武。二武曰步。步方六尺。今缺二百四十步之謂畝。三百有六十步之謂里。方里之田五頃有四十畝。十里之田五百有四十頃。百里

之邑。提封田五萬有四千頃。除山澤邑居。三分去一。爲田三萬六千頃。安丘絕長補短。地方百餘里。除今諸額外。尚餘二萬二千三百餘頃。此豈盡荒者哉。則良田匿而未盡出者。容有也。今法開墾者畝科粟三升。俟大造之年。升其肥饒者爲下則。似亦善矣。然豪有力者。所墾連阡接陌。不納一粟。小民方襁褓而冀半穗。乃輒履畝而穀之。是爲豪有力者賦也。將奈何。今邑令熊公稍一稽察。即得若而頃。固知法無不弊。在奉行者何如耳。倘嗣是者無墮其績。則十年之後。可得田四分之一。又于良田飛詭影射者。盡法慘羅。使豪猾無所竄匿。則可得田五分之一。總之得弱半焉。夫多一分田。則減一分

賦即折半計之亦可減租賦之十三四矣其于民力不愈寬哉即有意外之蠲減其額當不溢于今日豈直為此廩廩也蘇綽有云今所爲制若張弓然非平代法也後之君子孰從爲弛之嗚呼長民者念之哉

益都 金嶺鎮係重地鎮以官兵仍選風力官領本鎮及胡田并
孟坡山前後十數庄鎗手巡防又於柳行東西東侯高等莊各
立庄頭一人不時稽查以絕鉛礦之徒投寓與顏神鎮長峪道
官兵特角策應。顏神鎮添設官兵防守仍選委千總督同義民
顧本鎮及八陡西河等處鎗手巡防與金嶺鎮長峪道官兵特
角策應 長峪道自臨淄起至萊蕪長三百里界兩山間中通
淄河官司罕至前此莫關屢詢互蔽及親歷而丘朱厓馬祿太
河源泉邀免崖石馬直抵青石嶺始得其故俱係要地而朱厓
源泉二集場尤甚其民至老不識城府亦不在編民之列頑悍
橫驚盜賊之藪也且西去府六十里過巨山十數重即通北路
選委義勇官一住朱厓集一住源泉集各分鎮近地鎗手往來
巡防遇有盜賊及鹽礦徒併力擒之仍不時差官密訪以防隱
藏與顏神鎮金嶺鎮官兵特角策應 派泃店在縣東三十五

里至堯溝十五里東為登萊通衢團長住堯溝防守 小澗店
接臨朐赤澗店十五里路頗迂僻區長住赤澗防守 懶柳樹
在縣東北十五里至口鋪店二十五里接昌樂鹽徒經由之路
區長住口鋪防守 鄭毋店在縣東南四十里居民二千家路
接青先昌樂界區長守之

臨淄 石槽城在縣東二十里東接青先鹽徒必由之路 白兔

坂集在縣北三十里東北通樂安鹽徒往來由此 淄河店在
縣南十五里係重要路義民協同巡檢官守之 陸天務在縣
西四十里通高苑博興長山新城界係鹽徒要路

博興 利城鎮在縣東三十里係鹽徒要路 黃店村在縣北一
百里係盜賊之區 柳橋鎮在縣南二十里係鹽徒要路 陳
虎店鎮在縣西二十五里係盜賊之區 于家林村在縣東北
四十里接高家度鎮係鹽徒要路

高苑 鄭家店在縣東北三十里係鹽徒必由之路 柴家店在
縣北十五里係鹽徒要路 田鎮在縣西北三十里係盜賊出
沒鹽徒經行之路 岔河至通濟橋在縣南七里係鹽徒要路
樂安 南路大王橋去縣二十里居民五百家與彭家道口相連
鹽徒經由之路 東路從王家崗來過高家港過王家店小張
張郭過臨淄大夫店令住王家店咽喉之地守之 西路從新
鎮來過新店田家庄新集碑寺口往博興縣宜防守 中路從
小清河起過神堂燕兒口尹家店石村過楊趙往大夫店去定
令在石村守之 塘頭寨添義民率領民壯與百戶協守 馬
市添義民率保甲鎗手巡守
壽光 侯鎮在城東五十里去廣陵鎮十五里通濰縣大路南通
臨朐鹽徒之路義民領民壯鎗手協同廣陵鎮巡檢兵防守
官臺場在縣北八十里產鹽義民領民壯鎗手守之 彭家道

口壽老樂安二縣之界鹽徒自官臺場高家港新鎮場皆由此
義民領民杜鎗手守之姬家橋張家庄集在縣西北三十里鹽
徒往來之路義民領鎗手守之

昌樂 遠里店在縣東二十里接濰縣界鹽徒多由此 堯溝店
在縣西二十里係鹽徒經行處 唐郭店在縣南七十里接臨
朐安立界鹽徒多由此 燭坨店在縣東南六十里接安立濰
縣界宜守之

臨朐 破丘在縣西八十里通八陵集經將布庄霄驢諸路本集
居民三千家今虧其大半宜守黑山畧水二洞 上庄田村庄
城東南十里鹽徒小路 西菴廟在城西十里鹽徒之路 穆
陵園蔣峪辛寨店俱盜賊往來之路 柳山集通益都縣鄭母
集鹽徒之路以上各段區長防守 白塔集在太平嶺東南牛
沐嶺之東即安立縣差義勇官領鎗手防禦與鎮集為犄角之

勢又頗兵策應以防突來之盜

安丘 東南石埠與莒州管帥店相近時有盜賊 西南牛沐店

係莒州臨朐三界有山多盜且與太平嶺相近宜守此 景芝

店四達之路亦重地也委官同區長守此 馬思店在縣北二

十里通維縣巨盜竊發宜守此

諸城 黃草關在縣西南一百里九仙山西盜徒自新泰萊蕪莒

州沂州來者會此委區長防守 錦衣衛口在縣南一百二十

里係九仙山南口通莒州日照安東贛榆盜賊之區委區長守

此 吳太墳在縣南九十里係九仙山北路通東莞安丘臨朐

顏神鹽徒之路委區長守此 柴溝在縣東北一百里接高密

且僻遠多盜委區長守此 李長集在縣北六十里與安丘接

界委區長守此 在城并只溝集西路一路委義勇官守此

蒙陰 九女關係南北通路盜賊要區委義民在長馬莊守之

高都店惡溝去縣三十五里與新泰縣通鹽礦徒俱由此四顧
六七十里無人跡委義民在高都店守之 寨子黃庄通大王
莊多盜委義民官在寨子守之 坦準舊寨係莒州鹽徒要路
委義民官住寨守之 魯村張莊係礦徒出沒之地委義民住
張莊守之 桃曲店與紫金關策應亦重地委義民住桃曲守
之

莒州 東莞集在州北一百二十里與安丘接係重地委區長防
守 管帥店在州東北九十里與諸城縣接亦重地委區長防
守 公婆山在州西三十里與沂水接盜賊往來小徑委區長
防守 十字路葛溝在州南一百一十里與沂州接鹽礦盜賊
要路委區長與兩巡檢司協守 屋接鎮在州東四十里與諸
城日照接亦險地委區長防守

沂水 蒙山東梁現④莊集在縣西南一百五十里北通蒙陰南

通贊縣盜賊之藪山有觀菴七十二處委義勇官率鎗手三百名守之 下位鋪在蒙陰坦埠集左在縣正西六十里係鹽徒

要路委區長率鎗手二百名守之 述水馬站高橋在縣正北

穆陵關來路盜賊出沒無常委區長率鎗手三百名守之 蘇

村集在縣正南五十里通郟城沂州宿遷響馬出沒之途委區

長率鎗手三百名守之 河陽集在縣南一百里接連葛溝沂

州界響馬來路委區長在本集防守 東里店在全星頭汶蒙

峪來路委區長及義勇官守之

日照 巨峰寨在縣西南七十里莒州郟徐鹽徒要路 風火山

在縣正南六十里通安東衛大路去濤洛場十五里 沈疇集

在縣正西七十里莒州界鹽徒盜賊小路 兩鄉集在縣正北

五十里去九仙山錦衣衛口十五里盜賊之路 紅窪溝在縣

西北一百里通安丘小邳盜賊出入之處以上各委區長守之

長山 宰村去縣三十里 焦家橋去縣三十里 各有居民三百家俱鹽徒要路委義勇官於焦家橋防守 長白山在縣西南三縣之界有大莊居民三十家董家莊居民五十家在山下西路峪居民三十家在山麓間係盜窩委義勇官董家莊防守 城東石村房鎮常有響馬截人護東路巡邏官防守 城南周村店居民三百家與淄川接界群盜走集之所設巡邏官防守 淄川 磁窑務集山南通萊蕪西通章丘去淄川二十里土人兇野盜賊之會 龍口店在縣東南十五里居民三百家人性兇野萬山要地設義勇官防守 王村集在縣西五十里西北去長白山四十里長山章丘鄒平三縣之界大山連亘盜賊淵藪委義勇官守之 西峪莊在縣正東長峪道居民稀少區長領鎗守鎮之連風水店傅家莊委義勇官守之

新泰 兩縣山在縣東北四十里與蒙陰相接產礦東通蒙陰石

槽菽西通高峪鋪達青州大路設官及區長往來兩縣山高峪
鋪巡邏接守青泥溝一帶張家欄在縣西北三十里去官山
峪十五里多盤徒設義勇官及區長守張家欄兼邏官山路等
處酒臺莊在縣東南三十里東通蒙陰汶南集二十里西通
泰安州衆河莊七十里盤徒要路設官及區長守酒臺莊巡邏
莊兼邏汶南衆河一帶黃草關在縣西北七十里去鴈翎關
十五里通萊蕪兗州盤徒要路近有工四莊巡檢司弓兵二十
名添設鄉長住鴈翎關與工四莊官兵協力防守牛家莊洪
溝崖橫山口西通泰安南通泗水盜賊之區設義勇官及區長
住橫山口鄉長住張莊在牛家莊洪溝崖兩莊之間往來巡守
萊蕪大王莊在縣西北六十里南去劉元帥寨十里累生變逆
東西北三路皆阻高山峻嶺惟南面通劉元帥寨為泰安山顏
神山徑僻路可以扼截若守劉元帥寨即大王庄無虞矣委義

勇官及鄉長守之 夾谷嶺在縣西南三十里與新泰楊柳店接盜賊之區委義民官守之 綠葦山在縣西北九十里與章丘縣長春嶺接多盜賊有王許店可截委區長守之 香山在縣西七十里東通綠葦山西通泰安州界北通章丘縣盜賊之路有水北店可截委區長守之 李新莊顏莊在城東五千里礦後出沒委義民官守之 青石關經吐子口過劉元帥寨下泰安係要地委義民官守吐子口與寨騎角策應

兵防論

按青齊為京師左輔各衛所官軍分班入衛制也二百

注三

年來額數已極補練之術不過曰清勾撥補二者而已然清出

者十無二三解衛者旋復脫逃是清勾難濟實用矣不得已乃以官舍餘丁撥補徒費虛名無益行伍久則懼其撥補並見在者而亦此况地方頻年水患災傷民窮財盡官府追徵錢糧京邊之外視為緩賦以此軍士月糧鮮有及期者勉給春班而秋

班又至矣夫補軍則衝所難堪支糧則全運難給故京操啓行不但額數不敷而已班軍拐腹趨後武臣坐是黜罰亦何益於事哉聞之昔年京操稱能辦者至京往往借貸招募壯勇將班軍虧欠之數盡額補給赴工比其返也查扣在衛月糧陪補故官無欠軍之罪而軍無勾攝之擾此或一策也又有司追徵月糧一時難於墊辦而班軍戒行促迫間有借支別項者頗稱權宜此在有司之賢者專之耳如近日河南民兵防秋而彰德府每借之河道銀以濟用旋以民兵銀追徵至日還之緩急不失而軍體兩便此又一策也今若於五年推選之日必擇武臣之賢而才者為京操官不使賜葺嬖倖之輩參於其內每京班赴操仍三令而督責之缺伍之軍隨宜而招募之可也回班之日聽其查扣月糧補還亦無不可蓋京營得盡人之役而本兵無掛班之徵與全軍等耳操官亦何憚於扣除之嫌哉月糧全給